

續安陽縣志卷十二

古蹟志

序曰古蹟者歷代建置也故其關係與建置等而尤足以爲歷史鐵證焉甚矣不可略也趙君希璜志安陽古蹟云首稽禹瀆遙驗勤民繼溯殷墟博徵舊俗而爲城爲聚爲壘爲宮爲臺爲驛爲橋爲鄉爲里爲原藉參沿革備載治亂之由盛衰之運勸戒存焉其知稽古之用也夫實齋章氏謂古蹟非志所重不當列爲專門或亦未審其用乎茲仿趙志撮紀古蹟厥目凡三一屬於地理者山嶺城隍橋泉村寨潭洞等入焉二屬於宮室者臺樓亭堂庵觀等入焉三屬於陵墓者除補載王公墳壘及賢哲塋域外袁林構築亦載焉仍趙志勸戒並存之遺意也作古蹟志厥目凡三一地理二宮室三陵墓

地理

堯城縣

在縣東梁固村東南遵貴集

按民國二十一年縣東梁固村農民楊某在村西掘井所得之太原王君隴西李夫人合祔墓誌云王霸寶曆元年八月卒於堯城縣望雲鄉梁固里壽四十八夫人隴西李氏元女大中三年卒壽七十八大中九年十月祔葬於堯城縣西北二十里梁固里舊

續安陽縣志

卷十三 古蹟志 地理

一

北平文嵐樓古宋印書局印

志載永和鎮卽古堯城縣誤也治地學者當以此誌爲信史

七里岡

府志韓郡城在縣東北十里俗名七里岡

伯陽城

府志伯陽城在鄴西樂毅攻魏伯陽卽此城又有伯陽山

按伯陽城在縣西北清流村西尙有舊蹟可考

堦現橋

在堦現村西有李秉衡所書漫水長虹四字又有馬吉樟所撰重修碑記是

橋東西長約六丈寬約八尺石碣平鋪橋孔洩水迂緩水至橋畔壅激有聲遠望如長虹然旭日初升光射橋西石岸返照入水光耀奪目風景絕佳故漫水長虹爲安陽八景之一

小南海

在縣西南善應村西有小山高峯挺秀森林陰翳其下洄流經過之處深不

可測俗呼爲絡絲潭

小海

在東龍山村東南水自洞出上建有古柏亭

雪花洞

在縣西南三倉村之西雙峯山下清光緒時忽陷一洞其深不測內蘊白石

如雪遠近爭往取之琢爲各種玩具

黑龍潭

在扈家墳村之東曰夾山溝溝底有水池名黑龍潭

爛柯山 在前下堡村，卽今之二龍山，相傳王質觀棋，爛柯於此。

龍脖子山 在縣西北東水村南，有龍脖子山，山形向東南稍昂，儼若龍首，故名。

圍山 在縣西北東水村西南，山上有小廟，其峰甚秀，亦勝境也。

響石嶺 在縣西北都里村西，沿嶺而行，其石振振有聲，故名。

同樂寨 在縣西北秋口村西南，佔地二十一畝，寨門向東南，每月望夜，月光彌滿，寨

內地必有一片不見月者，迄今猶傳言爲無月地云。

黑狗寨 在縣西北西清流村，代遠年湮，不知所由，大約亦屯兵處也。

相村 在水冶西南，戰國時藺相如故里，有碑可考，世傳相如生於漸平崗村，後移此

村，因以相名。

古韓家莊 在水冶西北二里許，鐵佛寺村，卽古韓家莊，爲韓魏公故里。

馬池 在石堰村，相傳漢光武飲馬於此，因名曰馬池坑，其嶺曰馬池嶺，今池水雖涸，

而蹄迹顯然，亦一異也。

古井 在縣西南二十里堡，白沙河迤北西南岡上，相傳爲元末陳友諒故宅，其井不

深，水未嘗竭，村人用土塞之，逾時復陷爲井。

續安陽縣志

卷十三 古蹟志 地理

一一

北平文嵐樓古宋印書局印

官井 在縣南西官莊，井在坑下，久湮水底，非大旱人不能見，父老傳言，掘其井，天必

雨，亦異事也。

燕姑泉 在東清流村，泉在西坡下，名小棗温，常爲乾河，若泉水發見，流至萬感村北，

則清流村必有人文發見。

紅蘿山小泉 在縣西四十五里菓園村北紅蘿山下，常年出水，風景佳勝，不亞珠泉，

馬蹄泉 在李家坡村西，里許，泉口形似馬蹄，泉水湧溢，民國九年，村人擬將泉口擴

大，藉以灌溉，甫經開鑿，泉源遽涸。

黃花泉 在五龍溝村，泉在溝底，西岸側，其形似井，水常湧溢，亦曰平口井，

狗刨泉 在水冶西二里許，距珠泉亭甚近。

灰泉 在縣西北三十五里，灰泉村北，里許，有泉噴湧，平時能灌田數十畝，

枯河 在縣北二十里枯河村，河在村南，相傳宋韓魏公，欲由洹水挖渠灌田，西起豐

安村之東北郊，東至官路，長約十餘里，寬約十餘丈，後以水勢微弱，故名枯河云，今河

道尙存，每逢洹水暴發，卽灌入此河，皇甫村被淹數次，均受此河之害焉。

張湖頂 湖在縣西北野馬崗之東首，今張湖頂村尙存遺蹟，村西有坑甚大，相傳卽

湖之舊址云，又張湖頂之南岡下，亦有一泉，澇則有水湧出，土人名之爲後洞焉。
皇隄 在縣東北洹北高鄉，東起胡口，西至柴村，橋長約十餘里，寬三丈六尺，高一丈五尺，築於清道光初年，因漳河在馬房一帶，不時氾濫，故築堤以防之，今河已北去，堤久無用，爲村人墾闢，存者僅鄉北一段耳。

都里 在縣西北七十里，相傳隋末，劉武周曾建都於此，今村北，尙名曰後京灘。
卓茂故里 在縣北高榭村，逼近平漢鐵道。

宮室

掛印臺 在柴庫村西，周顯王三十六年，蘇秦合從攢秦，盟六國於洹水之上，卽其地也，臺爲盟壇舊址，約二丈許，周圍約四五丈，似小土山，亦曰封相臺，俗呼鳳凰臺，蓋轉音也。

趙王府 在永和門內，明成祖第三子，高燧封趙王，洪熙元年，以彰德署，改建王府，門曰承運，曰宮，曰端禮，曰體仁，在左曰遵義，在右曰廣智，殿曰存心，宮曰內，宗廟在宮門內東，其王官以司名者，曰長史，承奉儀衛，以所名者，曰典仗，羣牧，審理，紀善，典寶，典膳，良醫，典儀，奉祠，工正，承奉司，西鄰府，紀善，典寶，典膳，工正，四所，在府內，餘皆在府外，今

續安陽縣志

卷十三 古蹟志 地理 宮室

三

北平文嵐樓古宋印書局印

俱廢，僅存大士閣，爲趙府舊蹟，閣後西北有隙地一區，郡人猶指爲宮內粉粧樓焉，自景泰三年以後，分封郡王，曰臨漳，曰湯陰，曰襄城，曰洛川，曰南樂，曰平鄉等，今無考。
補志

壽安山堂 在縣治西北十五里豐安村，洹水之濱，創修於明萬歷四年，爲明趙府香火祠，門前有橋，碑載萬歷十四年重修，殿後中央，有御碑一，萬歷十六年補刻藏經，原存六百二十七函，續刻四十一函，聖母皇太后手諭，禁止鄉民不得紊亂藏經秩序，民國十年，其藏經住僧，私售於洹上村，袁氏派武裝衛隊數十名，率車數乘，強行載去，今經櫃仍存，狼藉不堪，其殿宇輝煌，樓房十餘間，整齊不紊，前臨洹水，後依山脈，規模宏壯，足表當時勝况云。

御碑亭

在縣北豐樂鎮，碑題五言古詩，爲清高宗御筆。

聽月樓

在縣東白壁鎮，不知始自何時，創自何人，惟附有湯陰孝廉朱坤題詩一章

曰：聽月樓高接太清，樓高聽月最分明，轉空吟軋冰輪響，搗月丁冬玉杵鳴，樂奏廣寒聲細細，斧修丹桂韻丁丁，更逢一派天風起，吹落嫦娥笑語聲。

臥雲菴

在縣南黃家張村，明天啟時，邑人安御史文璧之弟文奎，號三陽子所築，隱

居其中，今石刻臥雲菴，修真記尙存，其裔安慶魁等居焉，內有三陽子像及像贊，
觀台 在縣西北觀台鎮，相傳爲曹操所築，以東望三台者，一說爲石虎所建，以觀漳
水者，均無考，惟高臺尙存云。

青牛觀 在南善應村，今觀已廢，惟存石碑，上鐫蒙古文，下鐫漢文，現存鄉民王某宅
內。

古塔 在清涼山修定寺，

槐蔭寺 在西高榭村，廟貌已頽，相傳爲董允遇仙處，指槐爲媒，故名，

丈八佛寺 在縣西南李家莊，明崔文敏公遊此，有詩爲證，

報馬樹 在縣西北下天助村北，樹不甚高，亦不開花，若遇某年花發，上天助村，必有
科名發現，亦植物之靈異者，

陵墓

丹朱陵 貴志在永和鎮東南三里，圖經載趙岐，孟子註曰，舜封丹朱於白水，卽清河
封也。

按丹朱墓，在直隸望都縣城東半里許，面積約二畝，高丈餘，有臥石十二，並有碑碣，係

續安陽縣志

卷十三 古蹟志 宮室 陵墓

四

北平文嵐樓古宋印書局印

明刻中天世子徹侯丹朱之墓，

考望都舊志，亦云堯處子於丹淵爲徹侯，故曰丹朱，然則望都之墓，實唐堯子丹朱之
葬地也，姑并誌之，

袁天罡墓 在東灰營村之北原，

穆公墓 在縣北木廠屯村西，墓志存古物保存所，

四阜先生墓 在縣西南老河溝，卽古四阜寨村，四阜先生相傳爲前代舉人，石碑明

萬歷時所立，

明鶴石墓 在縣西孤莊村南，明郭文簡公第十一子，名燁，號鶴石，

周順墓 順慈善，好施捨，創修堦現橋，重修龍巖寺，其最著也，墓在縣西官寺村，

明穆王墓 在縣西北焦家墳之西北嶺，

明世子墓 在縣西世子墳村，

郎總兵墓 在縣西北上柏樹村，

平鄉榮順王墓 在扈家墳村北，野馬岡下，係趙惠王第八子，祁總，墓志可考，

明吳斌墓 在縣北武官村東，斌子二，長曰江，次曰海，江子四，安寧宥密，海生一子，定

仕至大理寺正卿，贈兵部尚書，葬湯陰縣西小佐村。萬曆三十七年，賜祭葬，墳園周十餘畝，祭田數百畝。清同治時，吳姓螟蛉子名守義者，將祭田典質，外姓亦多侵佔。民國初年，後裔吳玉瑤、吳玉璋等，向湯陰縣署呈訴，始將墳園內地十二畝贖回，仍作吳氏祭田。每年餘款，辦本族蒙養小學。

河中古塚 在清流村北，漳河內，終古水冲不少損，或指爲樂毅塚，或傳爲要離塚，均無考。

明處士鈔雲窩墓 在士旺村西北三里許，單縣知縣鈔奇、寧國縣知縣鈔秀均附葬焉。

康王墳 在縣西北五十五里，其村卽以康王墳名。查康王厚煜，在趙藩諸王中，學行最著，其塋北枕岡陵，四圍巒岫迴繞，古柏參差，大小約百餘株，前有石鐫獸形等物，門外立有文武官員到此下馬碑碣，祠宇宏壯，約計百楹，歷經修葺，依然完整。世傳明清鼎革，趙藩披緇削髮，託迹空門，有善士王化麟者，有碑可考捐輸勸募，遂就祠宇改爲神龕云。

清李制軍秉衡墓 在縣西南八里許，活水村。

續安陽縣志

卷十三 古蹟志 陵墓

五

北平文嵐樓古宋印書局刊

馬中丞丕瑤墓 在西蔣村南原。

王方伯廉墓 在縣東南八里許，大吳村東南。

朱方伯靖旬墓 在縣西南八里許，黃家張村。

馬觀察吉森墓 在縣西官寺村西，里許。

張省長鳳臺墓 在縣東北韓陵山。

馬廉訪吉樟墓 在縣西麻水村北，半里許。

許縣長中書墓 在水冶西南，三里許。

袁林 民國五年築，壟前有房舍二十餘間，楊槐松柏，葱蘢蔚鬱，並有石刻，羊馬翁仲多式，豐碑矗立，頗壯觀瞻。